

佛說喜蔭念佛三昧經

第五

九十八  
民五

4

47749




元祿九年丙子二月日重脩

皇圖聖圖 帝階級昌

佛日增輝 懋輪常轉

山城州天安寺法金剛院置



山

山

佛說菩薩念佛三昧經卷第五

宋天竺沙門功德直共玄暢譯

正觀品之餘

尔時不空見菩薩摩訶薩白佛言世尊菩薩若欲成就一切諸佛所說念佛三昧云何當令其心相續佛告不空見是諸菩薩若能至

心憶念過去未來現在十方一切無量如來

應正遍知明行足善逝世間解無上士調御

丈夫天人師佛世尊悉知衆生往來生死住

胎具足母族亦然善及相好四毗舍羅慈悲

喜捨慙愧恐懼威儀等行悉亦具足及舍摩

他毗婆舍那解脫知行諸解脫門念處正勤

神足根力覺道等法皆悉具足知諸四流及  
生具足亦知衆生源始具足生諸六通起大  
神足戒定智慧及以解脫解脫知見無不具  
足無礙解脫及無礙利一切善法亦皆具足  
色心清淨境智清淨金色等身清淨具足而  
此菩薩應如是念諸佛如來至心不動亦當  
安住無所著心復應如是心相續觀爲何等  
法是如來耶爲以即色是如來耶爲當異色  
是如來乎若以即色是如來者色處衆生具  
足色陰而是衆生應是如來若以異色是如  
來者除十二緣豈有如來又以即受是如來  
耶爲當異受是如來乎若以即受是如來者

一切衆生具足受陰而是衆生應是如來若以異受是如來者除十二緣何有如來想行識等亦復如是爲即眼根是如來耶爲異眼根是如來乎若即眼根是如來者一切衆生應是如來若異眼根是如來者除十二緣何名如來耳等諸根亦復如是爲即四大是如

來耶爲異四大是如來乎若即四大是如來者內外四大亦是如來若離四大是如來者除十二緣何有如來地水火風皆亦是菩薩如是相續觀已明見色陰旣非如來異彼色陰亦非如來又見受陰即非如來若異受陰亦非如來即想行識非如來者異想行識

亦非如來又見眼根非即如來見異眼根亦  
非如來耳鼻舌身非即如來異耳鼻等亦非  
如來見色聲等非是如來異色聲等亦非如  
來見香味觸非是如來異香味觸亦非如來  
見意及法非是如來若異意法亦非如來見  
即四大作是如來見異四大亦非如來地水  
火風亦復如是菩薩如是心相續觀於一切  
法得方便智又不空見汝以何法能得無上  
菩提道耶為以身得為以心得若以身得此  
身不淨無所覺知如草瓦礫菩提非色無有  
形質其相空寂不可見法此身既如草木無  
知云何當得菩提道耶若以心得無上道者

心無形相猶如幻化菩提無心亦無色貌如  
幻如化云何可得若諸菩薩得如此解非身  
能得無上菩提亦非心得無上菩提不離身  
心得無上道尔時佛告不空見言應當如是  
觀於如來作是觀者名為正觀又不空見菩  
薩如是相續觀法心不動搖菩薩應當如是  
深解則不退於三昧法也又常離於不相續  
心必當疾得無上菩提尔時世尊即說偈言  
心心相續念 去來今現在 一切普眼尊  
不久當見佛 住佛大威力 慈哀利世間  
憶念人中華 調御功德尊 當念管生死  
住胎母族姓 容相悉具足 不久當見佛

念佛八十好

及宿世因緣

恒集最勝業

正念善法意

念佛六神變

及大自在通

戒定智解脫

皆悉得成就

云何最上師

得此寂靜地

念慈世間尊

悲喜捨最上

慙愧力無畏

世間威德師

念佛舍摩他

毗婆舍那等

又念智解脫

及以三空門

具念脩正勤

神足亦復然

念根力具足

及以菩提分

念佛離生滅

獲此寂靜處

念難思善法

色受皆清淨

想行及以識

清淨亦如是

念佛真金色

安住無著心

觀何法名佛

攝心恒相續

念色非如來

四陰亦如是

離陰非如來

想識應當知



念眼非如來

五情法皆介

念四大非佛

見佛不為難

衆生悉有陰

當念十二緣

往管諸因緣

不思議智力

菩提無形色

菩提不觸身

而能有相觸

最勝寂靜處

耳等法亦然

念十二因緣

異此四亦非

若使諸佛陰

亦應即如來

陰非世間師

相續恒分別

此身常無知

寂滅恒不生

心不觸菩提

實為不思議

善能滅一切

離眼非如來

調心得見佛

應了十二緣

而是如來者

若欲得根力

異陰亦如是

是以能攝取

如草木瓦礫

身不觸菩提

菩提不觸心

此是佛世尊

外道諸邪見

尔時不空見菩薩摩訶薩白佛言世尊菩薩  
云何得知我見云何復當得離斯見尔時世  
尊告不空見菩薩若欲捨我見者莫著住處  
當依無依欲以法明利益一切欲吹法螺擊  
大法鼓欲造法船建立法橋度諸衆生生死  
有流欲觀身相及不相續此身不淨穢惡充  
滿膿血涕唾九孔恒流無常敗壞瞬息不住  
危脆難信不可愛樂猶嬰兒語虛妄無知是  
身不實如水聚沫縱復假以衣服飲食香熏  
莊嚴種種寶飾於百千歲恣隨其意會當磨  
滅長夜無益如此身性是生死法又為虫獸  
之所食敢復於長夜或在地獄畜生餓鬼閻

羅王所受無量苦未曾慙息又於永劫處生  
死中為他僮僕策使萬端此身長勤受眾苦  
惱而初不能知苦斷習證滅修道行諸功德  
此身雖小受污甚多應以是身施諸眾生若  
有惜命施其以壽若湏力者當惠其力湏肉  
與肉湏血與血當施湏者不求勿與或於彼  
人無所利益願以捨身善心因緣除我見惑  
得解無我住是捨身思惟觀時不復著於我  
見之惑以不堅身脩於堅身又不空見譬如  
村邑多有童子相隨出村遊戲水邊見水聚  
沫是諸童子競取弄戲而此聚沫不自覺知  
為他所弄亦無痛癢如是不空見若有菩薩

觀自己身當如此心猶彼聚沫無有分別若  
此菩薩作是觀者不久當得此深三昧亦當  
疾得無上菩提爾時世尊即說偈言

欲求最勝定

得不思菩提

永捨於我見

常應觀此身

無常苦不淨

漬唾臭汚等

九孔流諸穢

甚為可厭患

虛誑無真實

此是磨滅法

眩惑猶幻化

亦如水聚沫

我此身危脆

瘡痍之窟宅

周遍皆臭毒

無一可樂處

養之初無益

卒為虫狼食

一切諸樂具

供膳於此身

會歸當朽滅

終不得一實

長勤無邊劫

苦痛恒萬端

地獄畜生報

根本受苦處

長夜增飢渴

不可得思議

眾苦所逼迫

為此乖菩提

我此身不實

應施諸眾生

解法心無惜

所須便給之

作此思惟已

即唱如是言

我今捨此身

血肉隨意取

若有惜命者

我當惠其壽

忘軀濟眾生

為疾得三昧

段段求水沫

未曾得堅實

我身亦如是

求真不可得

若得此正觀

疾成菩提道

今時世尊即便微笑諸佛如來法皆如是當

于世尊微笑之時面門即放種種色光青黃

赤白紅綠頗梨上至梵天從彼還下繞佛三

帛復至頂上斯光俄頃忽然不現長老阿難

即從座起更整衣服右膝著地合掌向佛以

偈問曰

最勝調御尊

願為我宣說

金色百福嚴

世間所歸趣

無等人中尊

清妙無瑕穢

住聖大悲尊

以淨調御音

今日誰應得

誰國遇吉祥

一切所歸趣

微笑非無緣

為以何因緣

善解於真諦

為以何因緣

最上無過者

復以何因緣

一切所歸者

唯願為我說

若此深廣義

世間所歸尊

調御為我說

無上世間師

而現此微笑

哀矜利益者

而現此微笑

如來諸功德

而現此微笑

已離諸煩惱

微笑之因緣

誰住堅固地

何故現微笑

願聞清淨人

微笑之因緣 若蒙聖開演 疑惑則永除  
尔時世尊告阿難言我向說此相續觀時三  
萬人得法眼淨八萬百千億那由他天亦悉  
離垢法眼清淨復有三萬億那由他比丘比  
丘尼證阿那含復有三萬比丘比丘尼及清  
信士女得無生忍三萬衆生發菩提心即皆  
修習菩薩之行於人尊劫悉當成佛此是初  
發無上道心復有九萬億那由他諸衆生等  
悉皆不退菩提之道當得作佛号曰放光及  
離垢尊釋迦牟尼日光相佛月光明佛天中  
尊佛九十二億那由他衆發聲聞心當成羅  
漢尔時世尊作是語時聲震三千大千世界

佛以天眼見於十方九十九億百千那由他諸佛國土其中衆生皆見如來放眉間光名曰明炎遍照十方衆生見已心驚毛豎時彼刹土無量百千億那由他諸衆生等遇斯光者其中有得須陀洹果斯陀含果阿那含果阿羅漢果有多衆生發菩提心皆不退轉無上菩提於未來世當得作佛皆同一号号不退轉尔時世尊欲令此義光宣明顯重說偈言我向宣說此心相續觀時即有六十千九十九億衆以聞法利故而發菩提心復有三萬人皆得聖慧眼已聞相續念寂定之菩提此等悉得免惡道之苦難



八萬億諸天

既聞如來音

獲得淨法眼

永離惡趣苦

三萬億四眾

得不起法忍

度脫諸惡道

無復苦惱患

當得成佛道

如春之敷榮

三萬億諸人

學於菩提道

是人亦當得

諸佛大威力

既成無上道

憐愍於世間

六萬千天子

學習於菩提

樂中之樂行

猶如弥勒等

無礙世間依

以笑廣利益

阿難汝當知

皆有因緣故

是以我今日

示發此微笑

菩薩念佛三昧經微密王品第十一

尔時不空見菩薩摩訶薩白佛言世尊菩薩

摩訶薩云何當知安任慙愧恐畏等法捨無

慙愧得此三昧。尔時世尊告不空見此諸菩  
薩所以慙愧。身作諸惡而懷羞怖。口意行惡  
復生耻辱。嫉妬嬾惰亦復如是。若起不善恭  
敬諸佛。畏懼諸天。及以世人惡不善法。可羞  
耻故。菩薩如是則住慙畏捨無慙畏。諸不善  
法勤脩。衆善護清淨行。默然閑寂。三業具足  
不久亦當得此三昧。生生恒得。值遇諸佛。當  
疾得於阿耨多羅三藐三菩提。又不空見哥  
哉。希有我念過去經阿僧祇億百千萬那由  
他劫。初第三劫名爲善生。次復有劫名曰寶  
炬。次復有劫名蓮華池。時濁劫起。餘一千年  
次復有劫名曰樂住。時有國王生此劫中。名

勝微密有大威德勢力自在王所住城名拘脩摩清淨香聚其城縱廣七十由延有十二重七寶莊校嚴麗光明如善建城城北有地名爲離垢此處有苑苑名安隱縱廣正等面十由延周而皆有諸多羅樹其苑法式猶善建園又不空見今時有佛号曰明相如來應正遍知明行足善逝世間解無上士調御丈夫天人師佛世尊出現於世佛告不空見時明相佛與其眷屬住安隱園所從比丘九十九億百千那由他皆阿羅漢諸漏已盡無復煩惱心得自在所作已辦所應學者皆悉已學明相如來應正遍知於其晨朝著衣持鉢翼

從比丘入城乞食微密王聞佛當來即乘大象象名樂手前後導從無數百千皆共出城奉迎世尊又不空見是微密王遙見佛來光色相好微妙殊特皆大歡喜即便下象趣如來所頭面禮足右繞三匝即於道路請佛及僧時明相佛默然許之王既知佛已受其請即於其夜掃灑燒香嚴辦種種珍妙供具復於城內遍豎幢幡懸諸華鬘瓔珞寶蓋牛頭香汁以灑塵坌散種種華嚴飾於地以篋盛華置於座前作衆妙妓以用供養又不空見王辦供已於晨朝時與諸營從詣安隱園頂禮如來白言世尊食時已至時明相佛聞王

請已即如其相現大神通與諸比丘俱昇虛  
空放淨光鬘九萬百千照於東方三方亦然  
一一光中有八十億那由他等諸妙蓮華一  
一華上有化如來相好具足如明相佛是諸  
如來眷屬無量左侍帝釋右侍梵王猶如真  
寶釋梵無異又不空見明相如來現此種種  
神變相時一念之頃欲色諸天即作無量衆  
妙妓樂以天栴檀多摩羅跋沉水華鬘如是  
諸香以用供養明相如來時彼世尊爲王說  
法大王當知諸行無常有爲皆苦不實故空  
一切諸法悉無有我所以者何此身不淨九  
孔流穢猶糞中虫破壞危脆念念不住四大

諸陰假以爲身飢渴寒熱恒來侵迫虛誑幻  
炎猶水聚沫不得自在磨滅之法強名爲人  
無一可恃是故大王當深觀察生死諸行甚  
可厭患當勤方便求速遠離時微密王聞是  
語已合掌向佛而作是言如是世尊誠如聖  
教有爲諸行無常苦空一切諸法皆悉無我  
現見此身不淨臭穢衆苦之聚甚可厭患時  
王見佛神通相貌及聞如來所說之法即發  
阿耨多羅三藐三菩提心又不空見時彼如  
來知王已發菩提之心與諸大衆俱受王請  
乘虛而往至城便下是王從佛步入宮門嚴  
座已訖次第而坐王與群臣宮內眷屬及國

人民侍立左右擎諸供膳前受覲願各各授  
食皆令充足飯食已訖漱口澡手復以種種  
華香伎樂名衣上寶而以供養時微密王即  
於是日捨四天下及八十四億那由他妃后  
姝女以國王位付其長子與八十億那由他  
人俱共往詣明相如來於彼佛所出家脩道  
王出家已將欲請法白言世尊云何菩薩得  
諸佛所說念佛三昧若人能得此三昧者當  
疾成於阿耨多羅三藐三菩提具足見法時  
明相佛告微密比丘菩薩有二法得此三昧  
亦當疾成無上菩提何謂二法菩薩應當信  
於如來所說經典此大方等諸佛行處菩薩

具足此二法者得此三昧當疾成佛復有二  
法何謂為二舍摩他毗婆舍那復具二法捨  
我無我安住慚愧恐懼等法菩薩若能具是  
二法得此三昧疾成正覺告不空見是微密  
比丘白明相佛云何菩薩安住慚愧恐懼之  
法得此三昧明相如來告比丘言菩薩應當  
捨三惡業無慙愧等諸不善法任於慙愧恐  
畏之法而是菩薩慙畏具足捨諸不善脩行  
善法應護清淨身口意業又不空見是時比  
丘於彼佛所聞說過患即捨無慚愧恐懼諸  
惡精勤攝心住諸善法不失善法欲今滿足  
復更攝心安住正觀觀一切法不增不減亦



不見法去來生滅微密比丘作是觀時不見  
諸法有種種相觀十二緣如夢如炎觀於諸  
法如影幻化觀於諸法無增無減觀於諸法  
無名無性觀一切法無滅無生微密菩薩如  
是脩行不久當得此三昧也獲三昧已辯才  
不斷過六萬億那由他劫當得阿耨多羅三  
藐三菩提佛告不空見汝莫生疑今時捨國  
出家學道微密王者豈異人乎蓮華上佛如  
來是也微密菩薩安住慙愧脩習成就一切  
善法不久便得如此三昧又不空見我今語  
汝諸佛所說念佛三昧若有衆生不種善根  
終不得聞如此三昧告不空見若善男子善

女人等曾於過去無量佛所親近供養植衆  
善本方得聞此三昧寶王何況書寫讀誦受  
持分別解說觀其義趣是善男子善女人等  
所種善根無量無邊不可稱計是諸人等脩  
菩薩乘方得少聞如是三昧次第當得阿耨  
多羅三藐三菩提唯除身證時不空見白言  
世尊是諸衆生不學大乘爲能得此三昧寶  
不佛言如是亦當能得又不空見譬如有藥  
其質堅硬不可斫刺以石磨取用之塗鼓若  
有怨敵臨陣戰時彼軍亦以毒塗其箭聞鼓  
音聲毒不能行如是不空見若善男子善女  
人等少得遇聞三昧光聲是人皆當得於無

上菩提之道唯除身證又不空見辟如衆生  
若依須彌金色之邊其身即與彼山同色所  
以然者山勢力故如是不空見若有善男子  
善女人等少聞三昧威光之力當得阿耨多  
羅三藐三菩提唯除身證所以者何而此三  
昧功德最勝不思議故又不空見辟如諸水  
悉入大海同其一味所以然者以海力故若  
善男子善女人等不能讀誦持說書寫但得  
暫聞此三昧寶一切皆當得無上道所以者  
何三昧力故又不空見若人正說諸佛法門  
得三昧母說此三昧是名正說若人正說如  
是三昧無量無邊功德之聚攝取長遠是名

正說又不空見菩薩摩訶薩脩行布施於一  
念頃以衆妙寶奉獻恒沙諸佛世尊以此功  
德當得成佛若人讀誦受持解說書此三昧  
功德勝彼布施之福不可稱計尔時世尊即  
說此偈

我念往昔生

調御明相佛

一切諸世間

咸共所歸趣

慈悲哀衆生

爲說衆妙法

是佛大知見

明了三世法

如此普眼尊

世間最爲上

如來不思議

無量深智力

開顯諸法門

爲利群生故

發起大悲心

拔濟無量苦

明相善逝尊

八億聲聞衆

皆是阿羅漢

諸漏悉已盡

是諸應真等

隨從法王遊

時有安隱國

在城東北隅

大仙經行處

恒與聖眾俱

時有轉輪王

微密勇健士

憐愍一切故

導從出彼城

是王遙覩佛

其心甚寂泊

相好殊世表

威儀亦無比

王即步奉迎

往到世依所

既至如來前

頭頂接足禮

合掌恭敬已

却住於一面

請佛受明供

世尊默然許

王知佛垂許

還勅諸官屬

灑掃宮城內

嚴辦諸餽膳

王復到佛所

白言食時至

世尊若矜愍

願時屈威神

與諸聖眾俱

至當奉微供

時佛聞王請

即現大神變

普放千億光

遍滿十方刹

一一光明中

化作億蓮華

大悲愍眾生

為眾現斯瑞

又告不空見

彼諸蓮華中

有大威德王

相好特端嚴

各以最勝意

廣說諸佛法

諸行皆無常

苦空亦如是

無我恒不實

此為磨滅法

何有聰慧人

而生樂著心

諸行猶幻炎

破壞流動法

大悲闍相佛

演說如是法

諸天見世尊

奮大神通時

作眾上妙妓

廣設香華供

善哉佛威力

不可得稱說

王覩神化已

兼設妙供養

捐去四天下

及以五欲樂

出家守一心

以脩菩提道

是王學道時

問彼闍相佛

安住何等法

得佛力三昧

時佛說二法

如是應當脩

聞佛說法已

當得此三昧

若人信如來

疾得此三昧

常脩舍摩他

疾得此三昧

利智勤苦行

一切如虛空

不見諸法起

亦如夢幻等

不見法異相

得此深妙定

踊躍充遍身

微密比丘者

不誹謗此經

若人畏生死

及毗婆舍那

安住慙恐畏

速得此寂定

是聰慧菩薩

亦不見其盡

常能勤習行

唯覩無生滅

施不思議樂

即發菩提心

蓮華上佛是

是人住佛境

心不著於我

是人如此相

常脩於正捨

觀法無增減

疾得此三昧

恒觀法無常

不久得此定

又如影響炎

當得此三昧  
內既無身想  
亦無有生滅  
時微密比丘  
其心常相續  
即於一念頃  
即見十方佛  
比丘在生死  
諸佛之世尊  
佛告不空見  
勿懷於異見  
我今語於汝

觀諸法平等  
觀外亦復然  
若能如是觀  
如是諦觀已  
既聞如來說  
而證此三昧  
具諸有為行  
滿十六千劫  
然後獲寂定  
莫生疑不信  
尔時比丘者  
諸天及世人

無有差別相  
不見其名字  
疾得此三昧  
初中及後夜  
不久得此定  
得不斷菩提  
其心漸清淨  
曾供無量億  
得於無上道  
汝是聰哲人  
蓮華上佛是  
若欲觀一切



無量諸法者  
若有人樂欲  
當持此三昧  
復樂轉法輪  
具足諸相好  
是以當勤持  
遠離諸惡趣  
如是善人等  
無量億諸佛  
若人樂欲求  
過去無量佛  
若人於彼處

是人應當脩  
生無量功德  
若人樂欲見  
當持此三昧  
深知生死緣  
如此勝三昧  
為利衆生故  
皆已曾供養  
求最上菩提  
正念聞三昧  
是人久勤脩  
聞說勝三昧

如是妙三昧  
施衆難思樂  
十方三世佛  
若有人樂欲  
亦備衆善本  
若有人樂欲  
當持此三昧  
非一二與十  
得持此三昧  
已曾多供養  
過去所行道  
即發歡喜心

踊躍意無量  
若人於此經  
受持與書寫  
譬如戰場所  
毒消得歡樂  
為他說此法  
唯除身證者  
行者有深慧  
最勝三昧聲  
決定明三昧  
悉入於大海  
若人聞如是

皆已曾供養  
常脩相續心  
是人已曾見  
他陣放毒箭  
若人聞如是  
得明三昧力  
如須彌功德  
聞定亦復然  
斯人功德聚  
當得於菩提  
異本眾流相  
微妙之三昧

多億天中天  
讀誦及解說  
無量大明力  
以聞藥鼓聲  
勝定妙三昧  
當來必成佛  
依者同其色  
若有人得聞  
猶如大海量  
譬如江河水  
皆同一鹹味  
即同菩提性

無異無分別

若有諸菩薩

於多億劫中

勤脩行布施

為利一切眾

諸佛世依所

廣植無量業

是諸菩薩等

涉歷無數劫

雖行布施業

得福未為多

慈心說三昧

功德勝於彼

如母能生育

此三昧亦然

顯現難思議

諸佛之功德

是人聰慧故

常脩此三昧

不久當疾得

無上自然佛

菩薩念佛三昧經三法品第十二

尔時不空見菩薩摩訶薩白佛言世尊菩薩

摩訶薩具足幾法得此三昧世尊即告不空

見言菩薩若能具足三法得此諸佛所說三

昧何者為三所謂不貪不瞋不癡如此善根

若是菩薩住於無貪便得滿足檀波羅蜜心  
得安住如此法已攝取不貪清淨善根永離  
貧窮恒得豪富具大威勢如日光曜如是菩  
薩所脩功德皆為一切諸衆生故所可宣說  
無不信受得此三昧不以為難亦當疾成無  
上菩提菩薩具此妙善功德天人敬信菩薩  
若復能脩不瞋善根之行滿足忍辱波羅蜜  
也若是菩薩安住忍度若人罵詈刀杖加之  
解其支節斷其頭首不生一念忿惱之心亦  
不說他諸惡過各攝取不瞋清淨善根慈心  
為利一切衆生是以脩行如此三昧菩薩安  
住此三昧已得與諸佛世尊常俱乃至夢中

不離見佛經行坐卧皆獲安樂諸天護念不見惡夢寤寐歡喜刀不能傷毒亦不害水所不漂火所不燒所資四事恒得豐足是為一切皆令歡喜疾當得於無上菩提若是菩薩除捨無明具足不癡善根之時正觀修行毗婆舍那即便攝取不癡善根於一切法決定巧便滿足般若波羅蜜也他來問難疾能答對菩薩具足如是三法速當得此三昧之寶又不空見若是菩薩復具三法當得此定何謂為三應觀一切諸行無常應觀一切諸行皆苦應觀一切諸法無我菩薩具足如此三法當得斯定疾成佛道又不空見若是菩薩

復具三法當得此定疾成無上菩提之道何  
者爲三所謂供養現在諸佛及以滅度如來  
舍利若以香華幢蓋繒幡種種珍妙而以奉  
獻若自供養勸人令行復應發願作如是言  
以我善根布施因緣願得諸佛所說三昧又  
不空見復當讚歎現在如來般涅槃佛真實  
功德讚戒功德定慧解脫解脫知見威儀神  
通教化辯才阿蘭若行及以慈悲喜捨之法  
復更殊勝讚歎佛法儀容相好無量功德旣  
讚歎已復發願言若我讚歎諸佛功德設獲  
微福以此善根當得諸佛所說三昧疾當得  
成無上菩提又不空見菩薩摩訶薩於諸佛

所聞此三昧功德名字有三隨喜何謂爲三  
如過去佛往昔已曾脩菩薩行求阿耨多羅  
三藐三菩提如彼諸佛求是三昧我亦隨學  
求此三昧亦爲自利及利他人聞三昧已即  
生隨喜我亦當復隨彼隨喜此是第一隨喜  
者也又不空見如彼未來諸佛世尊亦當脩  
習菩提之行聞此三昧自利利他生於隨喜  
我亦隨喜是名第二若諸如來現在世安隱  
住使樂斷不善行捨諸惡趣變化幻術種種  
伎樂圍碁博奕一切諸惡悉皆離之深定大  
悲無不具足如彼諸佛往昔已曾脩菩薩行  
聞此三昧即便求之生隨喜心我今亦亦如

過去佛而隨喜之是名第三又不空見此三  
隨喜與發願俱若我所獲善根功德願使衆  
生常得是定又不空見菩薩具足此三隨喜  
亦當疾得如是三昧又不空見若善男子善  
女人等隨喜斯定得此善根功德之聚爲此  
善根以譬明之如有一人以彼三千大千世

界恒沙爲聚於大聚中撿取一沙擲過無量  
不可思議億那由他無邊世界復取一沙擲  
過無量無數世界如是次第盡大沙聚此諸  
世界若善筭師筭師弟子能得邊際知其數  
不時不空見即白佛言如此人者不能知也  
唯舍利弗不退菩薩乃能知此世界之量告



不空見不可思量若干世界滿中珍寶其高過於諸天所居乃至非想非非想處以此珍寶施諸衆生此善男女得福多不時不空見即白佛言甚多世尊無量無邊今時佛告不空見言我當語汝若善男女於諸佛刹滿中珍寶以用施於一切衆生若善男子善女人等聞此三昧三隨喜已發願求於無上菩提亦復欲樂修於多聞是善男子善女人等所獲功德勝彼施福無量無邊不可稱計佛告不空見此念佛三昧即是一切善根之母如是說者名為正說

菩薩念佛三昧經卷第五

民

塵全

下蒲悶反

嘑

初近也反

漱口

瘦音

澡手

音早亦

堅

鞭

下吾更去反

斫刺

下七亦反

隅

音愚角也

寐泊

下音拍安靜也

奮

音糞

也

捐去

音緣棄也

鹵

音咸也

同


捨

也止念

也

也

添反作拈奴



猪飼頌良壽附

